



FAQ Aña pa Konmemorashon di Pasado di Sklabitut

12 January 2023

For di ki dia mi por kuminsá hasi mi petishon pa Aña pa Konmemorashon di Pasado di Sklabitut?

E formulario di aplikashon ta online for di kuminsamentu di desèmber.

Kiko e deadline ta?

E promé deadline ta riba dia 16 di yanüari 2023 promé ku 5 or di atardi na Hulanda (17.00 CET/12.00 AST). E di dos deadline lo ta na aprel 2023. Fecha i ora esakto lo wòrdu publiká despues.

Ken por apliká pa e Yamada habrí pa e Aña di Konmemorashon serka Mondriaan Fonds?

E Yamada habrí ta dirigí riba un grupo amplio di petishonario establesé den Reino Hulandes (Hulanda, Aruba, Boneiru, Kòrsou, Saba, Sint-Maarten i Sint-Eustatius). Un persona ku profeshonalmente ta traha den disiplina di arte visual, patrimonio, industria kreativo, letra, arte teatral, òf un kombinashon entre e disiplinanan akí por apliká. Tambe archivonan, bibliotekanan, anto organisashonnan (ku tin un funshon pa presentá) den e áreanan mensioná akí riba, por apliká.

Pa kiko asina por hasi petishon pa e Yamada habrí pa e Aña di Konmemorashon di Pasado di Sklabitut?

Por usa e kontribushon pa proyekto i aktividat - na **Hulanda i den e parti karibense di Reino** - ku di manera permanente ta amplia konosementu i konsientisashon tokante e pasado di sklabitut i su influensha den presente. Por hasi petishon pa proyekto ku ta habrí pa públiko ku ta kuminsá rondó di e aña di konmemorashon. Esaki ta kana for di promé di yüli 2023 te ku promé di yüli 2024. Ta importante ku den e proyekto un perspectiva di e komunidadnan konserní ta wòrdu enfoká. Anto tambe ku e komunidadnan ta hunga un posishon di liderazgo den desaroyo di e proyekto.

Ta trata di e disiplinanan di arte visual, patrimonio, industria kreativo, letra, arte teatral, òf un kombinashon entre e disiplinanan akí. Por usa e kontribushon pa por ehèmpel:

- presentashon ku por wòrdu bishitá pa públiko;
- elaborashon di trabou pa su kreador;
- proyekto ku ta hasi e relashon entre lugánan históriko i áreanan, anto sklabitut (mas) visibel, manera ruta pa kaminata òf pa kore baiskel;
- simposio;
- podcast;
- buki (pa mucha);
- produkshon di teatro i baile;
- aplikashon digital manera game òf app;
- proyekto di kolaborashon ku ta enfoká pa engrandesé konosementu i ku na final tin un presentashon di di e proyekto;
- proyekto di investigashon relevante ku lo ta aksesibel pa públiko.

Kua ta e montante pa kua por hasi petishon pa Yamada habrí pa e Aña di Konmemorashon di Pasado di Sklabitut?

Por hasi petishon for di € 5.000 te ku € 75.000 pa proyekto. Ora hasi petishon te € 10.000 ta posibel pa duna un splikashon verbal tokante e plan. E kontribushon di Mondriaan Fonds por ta te un máksimo di 95% di e gastunan variabel di e proyekto.

Kon e yamada akí a surgi?

E yamada akí a surgi en kolaborashon ku **skuchadó krítiko** prosediente di e diferente komunidadnan. E grupo di skuchadó krítiko akí a duna nan input i feedback pa yega na bon kondishon i kriterio pa e yamada. Anto pa transferí konosementu tokante práktika di posibel petishonarionan. Banda di esei nan a señalá (posibel) problema serka e petishonarionan.

Ken tur ta den e grupo di asina yamá skuchadó krítiko?

- Urwin Vyent (NiNsee)
- Mitchell Esajas (The Black Archives)
- Bikram Lalbahadoersing (150 Jaar Hindostaanse Immigratie)
- Hariette Mingoen (Stichting Comité Herdenking Javaanse Immigratie)



- Raul Balai (artista i alabes presidente di komishon di konseho na Mondriaan Fonds)
- Tibisay Sankatsing Nava (investigadó i kordinadó di e komunitat KITLV)
- Siela Ardjosemito-Jethoe (Avans, RvT Mauritshuis)
- Peggy Brandon (Mocca, prekursor di Nationaal Slavernijmuseum)
- Aspha Bijnaar (Musea Bekennen Kleur)
- Roberto Refos (community organizer Noord-Nederland)

Kiko ta e diferencia entre e yamada di Mondriaan Fonds i Fonds voor Cultuurparticipatie (FCP)?

E enfoke di Mondriaan Fonds ta riba proyektonan ku ta engrandesé konosementu i konsientisashon pa medio di kreashon di diferente presentashon na públiko. Ehèmpel di esaki ta podcast, eksposishon, simposia òf publikashon. Organisashonnan ku tin komo funshon pa presentá òf esnan ku tin un práktika profeshonal por hasi petishon na Mondriaan Fonds.

Den kaso di e areglo di supsidio di Fonds voor Cultuurparticipatie (Fondo pa Partisipashon Kultural) e enfoke ta riba aktividatnan den kua e partisipantenan ta partisipá aktivamente. Den kaso di duda den kua di e dos fondonan un proyekto ta pas mihó, por tuma kontakto ku un di e kolaboradornan di proyekto.

Ken ta evaluá mi petishon?

Un komishon di konseheronan independiente ta evaluá e petishonnan. E konseheronan akí ta ekspertonan ku tin diferente background i spesialisimo. E komishon akí ta evaluá e petishonnan pa e yamada habrí pa e Aña pa Konmemorashon di Pasado di Sklabitut. Na momentu ku e disiplina òf spesialisimo di e petishon no ta representá den e grupo aktual, e fondo por konsultá ku konseheronan ad hoc. Pa medio di [e lenk akí](#) por mira e grupo di konseheronan ku Mondriaan Fonds ta traha kuné.

Ya komo den e yamada akí e produktornan i organisashonnan ta sali tambe di otro disiplina - banda di arte visual i patrimonio - manera arte teatral, letra, industria kreativo òf un kombinashon di esakinan; nos ta den kontakto ku e otro tres fondonan di kultura di reino. Ku nan nos tin kontakto tokante konseheronan independiente ku perisia den nan disiplina òf kombinashon di esakinan. Nos por fiha i komuniká e komishon definitivo na momentu ku nos sa kua ta e petishonnan ku a dreña. Na e momentu ei numa e disiplinan ta konosí. Nos mester ta sigur ku tur spesialisimo ta representá den e komishon, anto ku e konseheronan no tin interes den e petishonnan ku lo wòrdu tratá.

Petishonario di e parti karibense di Reino tambe por hasi petishon pa areglonan regular serka Mondriaan Fonds?

Si, tantu artista komo kurator i institushon por hasi petishon pa mayoria di e areglonan di Mondriaan Fonds. Bishitá [Aanvraaghulp](#) (Ayudo pa ku petishon) i wak kua areglo ta pas ku bo.

PETISHON

Kon mi ta hasi un petishon serka Mondriaan Fonds?

Por hasi petishon serka Mondriaan Fonds pa medio di e sistema di petishon online. Pa e Yamada habrí pa e Aña di Konmemorashon di Pasado di Sklabitut bo mester tin un kuenta. Den kaso ku bo no tin esaki ainda mester traha unu [akí](#).

Empleadonan di Mondriaan Fonds por yuda mi ku skirbi mi petishon?

Mondriaan Fonds no por yuda òf redaktá petishon. Sí ta posibel ku bo a kolaboradó ta wak si e konsepto i/òf plan ta konektá ku e yamada akí. Bou di e splikashon online, por haña e persona di kontakto pa e yamada akí.

Por hasi petishon na papiamentu?

Mondriaan Fonds ta hasi su esfuerso pa ta mas aksibel ku ta posibel i ta ofresé e posibilidat pa hasi petishon na ingles i hulandes. Lástimamente nos no por ofresé esaki na papiamentu/o ainda. Ya komo nos no por evaluá e petishonnan hasi na papiamentu/o, nos ta ofresé un [kontribushon pa tradukshon](#) pa esnan ku hasi petishon na un otro idioma.

Kon mi por traha un kuenta pa mi entregá mi petishon?

Por hasi petishon pa kontribushon di Mondriaan Fonds pa medio di e sistema digital di aplikashon. Mester tin un kuenta pa esaki. **Paga tinu:** bo por yena e formulario despues ku bo a risibí bo login. Hasi petishon di e kuenta na tempu. Pues ku sufisiente tempu promé ku e deadline. Nos ta hasi nos máximo esfuerso pa prosésá bo registrashon denter di un dia. Na momentu ku e deadline ta mas serka, nos no por garantisá esaki mas.



Mondriaan Fonds ta será durante fin di siman i dlanan di fiesta. Pues durante di e dlanan ei no ta aktivá, ni entregá kuenta.

Mi no a yega di entregá petishon serka Mondriaan Fonds ántes, mester hasi esaki por eskrito òf por verbal tambe?

Tanto e personanan komo organisashonnan ku ta hasi petishon te un montante di € 10.000, tin e posibilidat pa hasi un petishon híbrido. Esaki ke men ku por hasi e petishon por eskrito i ta splika e plan verbalmente na e komishon despues. E petishonarionan ku skohe pa e opshon akí, ta risibí un invitashon pa un kòmbersashon online. Esaki ta tuma lugá ku e komishon di konseho i lo dura máksimo 20 minüt. Den esaki bo ta duna splikashon verbal di e plan.

Kon mi por indiká ku mi ke duna un splikashon verbal di mi plan?

Na momentu ku bo yena e formulario di aplikashon, bo por indiká si bo ke hasi e petishon por eskrito so òf ku splikashon verbal di e plan tambe.

Kiko ta e diferensha entre un petishon kompletamente por eskrito òf híbrido?

Den kaso di un petishon por eskrito.

- E komishon di konseho ta haña e petishon por eskrito i e ta evaluá esaki sigun e kriterionan stipulá.

Den kaso di un petishon híbrido (un parti skirbí i un parti verbal)

- Na momentu ku e petishonario – pa medio di e formulario di petishon – a duna di konosé ku e ke splika su petishon, Mondriaan Fonds ta manda un konfirmashon. Mondriaan Fonds ta manda un invitashon pa e reunion ku lo tuma lugá online.
- Ta invitá e petishonario pa e presentá i splika e plan. Por hasi esaki na hulandes òf na ingles. E reunion online akí ta dura máksimo 20 minüt. E komishon di konseho por hasi pregunta tokante contenido di e plan.
- Despues di e reunion e petishonario ta risibí un resúmen global. Despues ku a risibí e resúmen, e petishonario tin chèns pa reakshoná denter di un siman. Despues ta agregá e resúmen na e petishon. Den kaso ku e petishonario no reakshoná, despues di un siman ta agregá e resúmen na e petishon.
- E komishon lo evaluá e petishon sigun e kriterionan stipulá.

Den kua idioma mi por duna e splikashon verbal?

Den kaso ku – den e proseso di aplikashon - bo a indiká ku bo ke duna splikashon verbal di e plan, bo por hasi esaki na hulandes òf ingles.

Mi ta duna e komishon un splikashon verbal di mi plan. Kiko mi mester prepará pa esaki?

Den kaso di un petishon híbrido bo ta duna splikashon verbal na e komishon di konseho. Esaki ta sosodé pa medio di un reunion online. E reunion ta dura máksimo 20 minüt i ta tuma lugá nan hulandes òf ingles. E komishon ta evaluá tur petishon a base di e kriterionan stipulá. Por lesa mas informashon tokante esaki riba e website.

Kon bo ta prepará un presupuesto/plan di kobertura?

Mester ekskluí btw na momentu di mensioná montante. Mondriaan Fonds ta duna kontribushon ekskluyendo btw. Eksepsion ta na momentu ku e petishonario no ta obligá na paga btw. Den e kaso akí mester manda e komprobante di belastingdienst den kua ta komprobá esaki.

Mondriaan Fonds ta pidi bo pa manda un resúmen bon kla i spesifiká ku e gastunan variabel di e proyekto:

- E total di e gastunan mester ta igual na e kobertura finansiero, inkluyendo e kontribushon di Mondriaan Fonds. Esaki ke men ku e presupuesto mester ta ekilibrá.

KONTRIBUSHON PA TRADUKSHON

Kiko boso ke men ku un kontribushon pa tradukshon, anto kon mi por apliká pa esei?

Si bo ta skirbí bo petishon pa e Yamada Habrí akí na un otro idioma ku ingles òf hulandes, Mondriaan Fonds ta ofresé bo un kontribushon pa tradukshon. Bo por hasi un petishon pa por kubri e gastunan di tradukshon di bo petishon na e idioma ingles òf hulandes. Esaki por te un máksimo di € 3.000 ekskluyendo btw/vat. Tantu persona individual komo organisashon por apliká pa esaki.

Promé ku bo entregá e petishon, bo mes por laga tradusí esaki skohiendo bo propio traduktor profeshonal (vertaalbureau). Por e-mail e faktura/formulario di deklarashon na euro pa e tradukshon. Huntu ku esaki ta



manda e aneksonan ku tin, manera e faktura di e traduktor. Por manda esakinan na e siguiente adrès: facturen@mondriaanfonds.nl. Tambe mester pone e number di petishon, nòmber di e petishonario i título di e proyekto. Ta pasa e kontribushon bou di kondishon ku a entregá e petishon kompleto (inkluyendo tur anekso i si ta alkaso tambe e dokumentashon).

E kontribushon pa tradukshon akí ta posibel pa petishon di Yamada habrí pa e Aña di Konmemorashon di Pasado di Sklabitut. E presupuesto total pa e kontribushon di tradukshon akí ta di € 60.000. Por hasi petishon te ora e presupuesto akí kaba.

Ken ta bini na remarke pa un kontribushon di tradukshon?

Na momentu ku bo entregá un petishon en konekshon ku Yamada habrí pa e Aña di Konmemorashon di Pasado di Sklabitut i esaki no ta skirbí na hulandes òf ingles, bo por hasi petishon pa haña un kontribushon pa tradukshon di bo petishon.

Semper ta duna e kontribushon pa tradukshon?

Ta duna un kontribushon pa tradukshon na momentu ku kumpli ku e kondishon ku e petishon a wòrdu entregá kompleto. Por hasi petishon pa e kontribushon miéntras ku tin presupuesto. Ta otorgá e kontribushon den e orden ku a hasi e kontròl pa wak si a kumpli ku e rekesitonan. Asina Mondriaan Fonds a kontrolá bo petishon pa wak si e ta kompleto, bo ta risibí mensahe tokante esaki. Tambe na momentu ku e komishon duna un konseho negativo tokante bo petishon, bo kontribushon pa tradukshon ta wòrdu reembolsá.

Ta posibel pa yena e formulario di petishon na otro idioma ku no ta hulandes òf ingles?

Por yena i entregá e formulario di aplikashon únikamente na hulandes òf ingles. Pa por hasi esaki posibel bo por laga tradusí e petishon promé ku entreg'é.

Kon mi por komprondé loke e formulario di inskripshon ta bisa si ami ta papia otro idioma ku no ta hulandes òf ingles?

E formulario di petishon ta tradusí na papiamento i papiamentu. Nan ta den formato pdf anto por download nan aki.

Na kua kuenta di banko ta pasa e sèn di e kontribushon pa tradukshon?

Ta pasa e sèn akí na e kuenta mensioná riba e faktura òf deklarashon.

Den kua valuta ta pasa e kontribushon?

Ta pasa e kontribushon na euro.

Kon ta dil ku e kambio di moneda?

Punto di salida ta e montante na euro ku ta mensioná riba e faktura/formulario di deklarashon.

Unda mi por laga tradusí e teksto?

Por laga tradusí e teksto pa un traduktor humentá òf un ofisina di traduktor profeshonal ku bo mes ta skohe.

Ki dia mi ta tende si e kontribushon pa tradukshon lo wòrdu pagá?

Por hasi petishon pa e kontribushon di tradukshon te na momentu ku e presupuesto akí kaba. Ta konsedé e kontribushon den e sekuensia ku e petishonnan wòrdu kontrolá pa wak ku e ta kompleto. Asina Mondriaan Fonds a kontrolá e petishon pa mira si esaki ta kompleto, bo ta haña un mensahe.

Den kaso ku mi entregá mas petishon den e Yamada Habrí akí, mi por hasi petishon pa mas kontribushon di tradukshon?

Si, esei ta posibel. Por hasi petishon miéntras ku tin presupuesto. Ta otorgá e kontribushonnan den sekuesnia ku nan wòrdu kontrolá pa wak si nan ta kompleto. Asina Mondriaan Fonds a kontrolá e petishon, pa mira si esaki ta kompleto, bo ta haña un mensahe. Tambe na momentu ku e komishon duna un konseho negativo tokante e petishon, e kontribushon pa tradukshon ta wòrdu otorgá.

Por hasi petishon pa e kontribushon di tradukshon pa otro areglo tambe?

No, na e momentu akí esaki ta posibel únikamente pa Yamada habrí pa e Aña di Konmemorashon di Pasado di Sklabitut.

Ta posibel pa persona individual duna un splikashon di e plan na e komishon verbalmente. Den kua idioma e splikashon aki mester wòrdu duná?



Korekto, ta posibel pa skohe pa por duna splikashon verbal i por hasi esaki na hulandes òf na ingles.

Den kua idioma Mondriaan Fonds ta komuniká otorgashon òf rechaso?

Mondriaan Fonds ta komuniká na hulandes òf na ingles.

PREGUNTANAN FREKUENTEMENTE HASÍ - ADISHON A BASE DI PREGUNTANAN ENTREGÁ

Kon esei ta bai si bo ke duna un splikashon verbal di e plan?

Ta entregá e petishon por eskrito via e sistema di petishon i despues ta splika e plan verbalmente na e komishon komo parti di e petishon. Bo ta yena e formulario di petishon i añaadí e suplementonan pidí. Bo ta duna por eskrito un rekapitulashon kòrtiku di e plan. Bo ta risibí un invitashon pa un kòmbersashon online di máksimo 20 minüt ku e komishon di konseho, den kual bo ta duna un splikashon verbal di e plan.

Kiko ta pasa ora ku bo a entregá bo petishon?

Despues ku bo a entregá bo petishon promé ku e fecha final, e departamentu di atministrashon ta kontrolá si esaki ta kumpli ku e kondishonnan manera ta deskribí den e konvokashon. Si esei no ta e kaso, bo ta haña un karta tokante esaki. Si falta algu, nos ta tuma kontakto ku bo. Si bo ta bini na remarke, bo ta risibí un e-mail komo konfirmashon ku bo petishon ta wòrdu prosesá. Ta presentá tur petishonnan aseptabel na e komishon di konseho di e konvokashon habrí akí pa wòrdu evaluá riba e kriterionan stipulá. (I si dado kaso bo a skohe pa un petishon verbal, bo ta wòrdu invitá pa un splikashon verbal na e komishon di konseho.)

Un kreadó òf partner di kolaborashon ku no ta establese/integrá den Reino Hulandes por ta enbolbí den e proyekto?

Por usa e kontribushon pa proyektonan i aktividatnan den e Reino Hulandes ku ta sigui engrandesé e konosementu i e konsientisashon di e pasado di sklabilitut i e efekto kontinuo di esei te dia djawe. Den un proyekto enberdat bo por kuminsá un kolaborashon ku un kreadó i/òf organisashon den eksterior. E petishonario prinsipal mester ta integrá profeshonalmente si den e disiplina konserní den e Reino Hulandes.

Por hasi petishon pa diferente disiplinan. E presupuesto ta partí segun kada disiplina?

E presupuesto no ta partí segun kada disiplina. Tur petishonnan aseptabel ta wòrdu evaluá dor di e komishon den e ròndu ku nan a wòrdu entregá.

Tin un posibilidat ku, ora bo hasi petishon promé ku e di dos fecha final, e chèns ta ku tin ménos sèn disponibel pasobra kisas esaki ya a wòrdu usa na petishonnan di e promé fecha final?

Tur petishonnan risibí, si nan ta aseptabel/kompletu, ta wòrdu evaluá dor di e komishon di konseho. Nos no sa ainda kuantu individuo i organisashon lo mèldu nan mes i ki ora. Pa por hasi un kalkulashon realístiko pa kada ròndu, ta hopi bon pa nos sa si bo ta bai hasi petishon i na ki momentu. Si bo sa kaba ku bo ta bai hasi petishon, i bo sa na ki momentu, laga nos sa esei.

Por hasi petishon pa proyektonan den Reino hulandes (Hulanda, Aruba, Boneiru, Kòrsou, Saba, Sint Maarten i Sint Eustatius). Tin un presupuesto separá pa kada isla/pais?

E presupuesto no ta partí segun geografia. Tur petishonnan aseptabel ta wòrdu evaluá dor di e komishon den e ròndu ku nan a wòrdu entregá.

Tin un kantidat mínimo obligatorio di obranan ora ta trata di un eksposishon? Ta eksistí un indikashon pa esaki?

No ta eksistí un indikashon pa esaki. E kontenido di proyektonan ta wòrdu evaluá dor di e komishon a base di e kriterionan manera esakinan ta deskribí riba <https://www.mondriaanfonds.nl/subsidie-aanvragen/regelingen/open-oproep-herdenkingsjaar-slavernijverleden/>

Sí tin un otro indikashon aplikabel: si un artista ta enbolbí na e plan un kompensashon realístiko pa e artista ta obligatorio i mester pone esaki den e presupuesto. E kompensashon ta wòrdu pagá dor di e petishonario segun e [indikashon pa kompensashonnan di artista](#).

Den ki periodo e proyekto mester tuma lugá?

Por hasi petishon pa proyektonan ku ta aksesibel pa públiko ku ta kuminsá den òf rònt di e aña di konmemorashon ku ta kana di 1 di yüli 2023 te ku 1 di yüli 2024. E preparashonnan pa e proyekto sí por kuminsá promé ku 1 di yüli 2023. Tene kuenta ku un término di 3 luna pa trata e petishon despues di e fecha final di e ròndu di petishon. No por otorgá un kontribushon ku forsa retroaktivo.

Bo por hasi petishon tambe na tur dos fondo?



Bo no por hasi petishon na tur dos fondo na mes momentu, a ménos ku bo parti e proyekto den dos (sub)proyekto i ku den e presupuesto di un proyekto no ta aparesé kosnan di e otro proyekto. Bo ta duda na unda ta e mihó kaminda pa hasi bo petishon? E ora ei tuma kontakto ku nos.

Bo por hasi mas ku un petishon den e konvokashon habrí akí?

Si, esei por basta ta trata di diferente plannan di proyekto i ku den e presupuesto di un proyekto no ta aparesé kosnan di e otro proyekto. No por otorgá un kontribushon na proyektonan di petishonarionan ku ya kaba tin derecho riba subsidio di e fondo òf riba un otro fasilidat finansiá dor di medianan públiko ku ta kubri e mesun gastunan.

Komo individuo bo tin ku kolaborá ku un organisashon kultural?

Esei ta posibel, pero e no ta un eksigensia.

Trahamentu di un buki tambe ta kai bou di e posibilidatnan?

Enberdat bo por hasi petishon pa traha i publiká un buki. Sí ta importante den e kaso akí pa dediká atenshon na e plan públiko i e otro partinan i suplementonan pidí. Ta mira un buki tambe – meskos ku por ehèmpel un podcast - komo un forma di presentashon.

Mondriaan Fonds por kontribuí na proyektonan edukativo?

Mondriaan Fonds no por kontribuí na proyektonan ku ta solamente edukativo. Tin ora plannan di edukashon ta forma parti di e plan di presentashon den un proyekto mas amplio, den e kaso ei por hasi petishon pa henter e proyekto. Pa proyektonan ku ta solamente edukativo nos ta konsehá bo pa tuma kontakto ku Fonds voor Cultuurparticipatie pa informá kiko ta e posibilidatnan serka nan.

Por papia tokante e inisiativanan di e trahadónan bou di kontrakt i e aktual trahadónan bou di kontrakt?

Diferente komunidatnan di desendientenan di esnan ku a keda hasí katibu, e habitantenan original i esnan ku a traha bou di kontrakt, ta forma parti inseparabel di e historia akí. Esaki ta entre otro e habitantenan original di e kolonianan hulandes di e tempu ei Sürnam i e 6 islanan karibense, chines, havanes i hindustan trahando bou di kontrakt, i tambe komunidatnan moluko, ganes i surafrikano. P'esei e eksperensia di e komunidatnan akí di orígen no oropeo enbolbí den e pasado di sklabilitut ta para sentral den e aktividatnan durante e Aña di Konmemorashon.

Bo por paga bo mes, ke men pone bo mes oranan di trabou i tarifa pa ora den e presupuesto?

E petishonario no por pidi kompensashon pa su mes, pero sí por pidi kompensashon pa invershon di tempu. Mondriaan Fonds a stipulá pa esaki un montante standart di € 1.980 pa luna na Hulanda i den eksterior (fultaim). Den bo petishon bo ta motivá kuantu tempu bo trabounan ta tuma. Por pidi e invershon di tempu solamente pa e periodo konserní ei. Hopi biaha lo no traha fultaim na e plan den e periodo pa kua ta hasi e petishon. Ta p'esei semper bo tin ku pone den e petishon kuantu dia/parti di dia pa siman lo dediká na e proyekto. Tur gastunan di estadia relashoná ku e estadia den eksterior ta kai bou di kompensashon di invershon di tempu den eksterior. Esei ke men ku gastunan manera gastunan di hotèl, kuminda òf gastunan di biahe lokal, no por wòrdu presentá apart den e presupuesto.

Por hasi petishon pa traha un monumento?

Na Mondriaan Fonds no por pidi kontribushon pa konmemorá i selebrá abolishon di sklabilitut. Trahamentu di un monumento ta kai bou di esaki, i p'esei no ta posibel. E enfoke di Mondriaan Fonds ta riba proyektonan ku ta engrandesé konosementu i konsientisashon dor di desaroyá diferente sorto di presentashonnan na e públiko. Den e kaso akí por pensa riba por ehèmpel podcast, eksposishonnan, simposio òf publikashonnan.

[Q&A Rijksoverheid.nl](https://www.rijksoverheid.nl) - Herdenkingsjaar Slavernijverleden